



**Bosnia and Herzegovina**  
**STATISTICAL COUNCIL OF**  
**BOSNIA AND HERZEGOVINA**

Broj:11-07-3- 1660-2 /17  
Sarajevo, 10.12.2017. godine

**ZAPISNIK**

sa 2. sjednice Vijeća za statistiku BiH

Dana 04. 12. 2017. godine sa početkom u 11:00 sati u prostorijama Agencije za statistiku Bosne i Hercegovine, održana je 2. sjednica Vijeća za statistiku BiH.

Sastanku su prisustvovali članovi Vijeća za statistiku BiH:

**Gospodin Velimir Jukić, direktor Agencije za statistiku BiH,**  
član Vijeća za statistiku Bosne i Hercegovine;  
**Gospodin Fadil Fatić, zamjenik direktora Agencije za statistiku BiH,**  
član Vijeća za statistiku Bosne i Hercegovine;  
**Gospodin Amir Hadžiomerađić, Centralna banka BiH,**  
član Vijeća za statistiku Bosne i Hercegovine;  
**Gospođa Mira Vujeva,**  
član Vijeća za statistiku Bosne i Hercegovine;  
**Gospodin Sahrudin Sarajčić,**  
član Vijeća za statistiku Bosne i Hercegovine;  
**Gospodin Emir Kremić, direktor Federalnog zavoda za statistiku,**  
član Vijeća za statistiku Bosne i Hercegovine;  
**Gospođa Radmila Čičković, direktor Republičkog zavoda za statistiku RS,**  
član Vijeća za statistiku Bosne i Hercegovine;  
**Gospođa Senija Fačić, rukovodilac podružnice Brčko distrikta BiH.**  
član Vijeća za statistiku Bosne i Hercegovine.

Odsutni su bili: Gospodin Miljan Popić, zamjenik direktora Agencije za statistiku BiH, gospodin Boris Raić, Ministarstvo finansija i trezora BiH.

Sjednici je prisustvovao i gospodin Enes Hadžiefendić.

**Tačke dnevnog reda:**

- 1.Usvajanje zapisnika sa 2.sjednice
- 2.Plan rada Agencije za statistiku BiH za 2018. godinu
- 3.Informacija o trenutnim aktivnostima
- 4.Razno

## Zapisnik:

Direktor Agencije za statistiku BiH gosp. Jukić pozdravio je prisutne i utvrdio postojanje kvoruma. Dnevni red je jednoglasno usvojen sa dopunom pod tačkom razno, prijedloga gospodina Sarajčića: Informacija oko aktivnosti statističke nomenklature regija.

**Ad 1.** Oko predloženog zapisnika vodila se diskusija. Komentare na zapisnik imala je gđa Čičković, (komentari tehničke prirode) i gđa Vujeva, čiji su komentari bili opširni.

S obzirom na opširnost komentara koji su dostavljeni od strane gđe Vujeva, gosp. Fatić je predložio da ti komentari budu prilog zapisniku i kao takvi njegov sastavni dio, jer u prethodnom periodu nije bila praksa da se u zapisnik unose tako opširni stavovi i komentari, te da je zbog preglednosti i jasnoće samog zapisnika bolje da ti komentari budu prilog.

Prisutni su diskutovali, te jednoglasno zaključili da će zapisnik sa konstituirajuće sjednice sadržavati sve dostavljene komentare, (komentari gđe Čičković, komentari gđe Vujeva), a da će se ubuduće voditi računa da zapisnik sadržava jasne i koncizne rezimee, mišljenja i zaključke, a svaki opširni komentar za koji neko od članova smatra da treba biti dio zapisnika, dostaviti će se pismeno i biti će prilog samog zapisnika nakon što ga usvoji Vijeće.

**Ad 2.** Gosp. Jukić je napravio kratki osvrt na dosadašnji rad, prisutne obavijestio da očekuje da će uskoro biti imenovan novi član Vijeća, s obzirom da je gosp. Pavlović podnio ostavku na mjesto člana, te je izrazio svoja očekivanja i potrebu da se Vijeće sastaje i više puta godišnje nego što je to propisano Zakonom kako bi ispunilo svoju ulogu i doprinijelo sveobuhvatnom radu i kvalitetu statistike.

Kada je Plan rada Agencije za statistiku BiH za 2018. godinu u pitanju, istakao je da su u isti uneseni gotovo svi komentari i primjedbe entitskih statistika. Naveo je takođe da Plan sadrži sve ono što se namjerava raditi te da statistički sistem u velikoj mjeri zavisi i od drugih proizvođača statistika.

Gosp. Hadžiefendić prisutne je detaljnije upoznao sa Planom, te naveo kako Vijeće ima jako važnu ulogu u potvrđivanju ovog Plana, odnosno davanju pozitivnog mišljenja.

Naveo je da od 48 komentara koji su dostavljeni od strane RZS RS, samo 6 nije prihvaćeno, a FZS FBiH je dostavio 51 komentar od kojih 13 nije prihvaćeno.

Gosp. Hadžiefendić takođe se osvrnuo na problem koji postoji, a koji se tiče nepotvrđivanja Plana i Programa od strane Vijeća ministara BiH, te ukazao na potrebu za temeljitim rješavanjem određenih problema i potrebu za izradom novog Zakona o statistici BiH.

16.10.2017. godine, od strane Agencije za statistiku BiH, proslijeđena je posljednja urgencija Vijeću ministara BiH, gdje se traži usvajanje i pojašnjenje zašto do sada nije usvojen niti jedan planski dokument Agencije za statistiku BiH.

Gosp. Fatić je rekao da smatra da Vijeće za statistiku BiH treba da uputi urgenciju Vijeću ministara BiH za hitnim usvajanjem Plana i Programa Agencije za statistiku BiH.

Gđa Čičković je postavila par pitanja vezano za istraživanja koja su navedena u Planu, (koliko istraživanja će biti prvedeno, koliko je od toga anketnih istraživanja), te ponovila primjedbe koje smatra bitnim, a koje nisu prihvaćene u Planu.

Gđa Čičković je takođe napomenula, a vezano za mišljenje gosp. Fatića, da smatra da Vijeće nema tu ulogu i da su jasne nadležnosti svih organa šta ko radi i ko koga kontroliše.

Ona nije za miješanje u rad izvršnih organa.

Vezano za isto gosp. Kremić je rekao da nije siguran da Vijeće ima mandat da piše Vijeću ministara BiH, te predlaže da Agencija obavijesti EK i OHR o problemu koje ima, a Vijeće ministara BiH podsjeti da ovakav način usporava naš evropski put.



Gosp. Sarajčić je naveo da Vijeće ministara BiH mora zauzeti aktivniji stav po pitanju dostavljenih materijala BHAS-a za njihovo usvajanje u skladu sa propisanim procedurama.

U tom smislu, gosp. Hadžiomerađić je obavijestio prisutne kako je ova situacija poznata podkomitetu EK, te se osvrnuo na Plan o kojem je takođe imao par pitanja koja se tiču pojašnjenja određenih pojmova.

Gosp. Hadžiefendić je odgovorio na postavljena pitanja pojašnjavajući svaki neprihvaćeni komentar.

Gosp. Sarajčić je postavio pitanje u vezi planiranih aktivnosti na organizaciji narednog popisa stanovništva BiH, smatrajući da određene aktivnosti trebaju biti planiranu planu aktivnosti Agencije za statistiku BiH i entitetskih zavoda, te Brčko distrikta BiH.

Nakon pojašnjenja gosp. Hadžiefendića, gosp. Fatić je istako jednu jako bitnu tvrdnju, a to je da BiH jedina u Evropi nema planske aktivnosti oko popisa. Rekao je da je više puta davao inicijative da se poduzmu aktivnosti oko priprema popisa.

Takođe je naveo da u Planu rada za 2018. godinu nije detaljno navedeno sve oko priprema Popisa poljoprivrede stavljajući akcenat na pravni okvir. S obzirom da je gđa Čičković navela da je oko toga razgovarano na sastanku direktora, te da postoje zaključci, gosp. Fatić je rekao da želi da mu se dostave pojašnjenja stavova sa navedenog sastanka jer su bili krajnje nejasni i nerazumljivi. Takođe je tražio da mu se dostave pojašnjenja vezana za aktivnosti oko NUTS 3, jer mu nije jasno kako se to radi preko mehanizama koordinacije i kakve veze statističke institucije imaju sa tim. Aktivnosti oko NUTS 3 moraju biti jasne i mora se donijeti metodologija rada.

Gđa Vujeva je istakla da će po pitanju Plana statističkih istraživanja za 2018. godinu iznijeti stav s pozicije korisnika statističkih podataka, imajući u vidu da je upravo i po tom osnovu imenovana u Vijeće za statistiku. U tom smislu iznijela je sljedeća zapažanja:

1. U dijelu Plana koji se odnosi na diseminaciju podataka – rad s korisnicima, podupire aktivnosti koje se odnose na osiguranje dostupnosti podataka i pružanje traženih podataka u što kraćem roku koristeći internet stranicu, redovno objavljivanje zanimljivih statističkih podataka na društvenim mrežama, na razvoj web stranice te popularizaciju službene statistike na društvenim mrežama vizualiziranjem statističkih podataka. Preporučuje da se na web stranici Agencije učine dostupne korisnicima baze statističkih podataka, kao što je to omogućeno na web stranicama entitetskih zavoda za statistiku;
2. Kod Prioritnih zadataka za 2018. godinu, unutar Institucionalnog okvira, naveden je cilj, ali ne i aktivnosti koje će se poduzeti na ovom području te predlaže da se ovaj dio dopuni i preporučuje da se krene s aktivnostima na poboljšanju odnosno usklađivanju postojećeg zakonodavnog okvira u skladu s EU regulativom;
3. Radi uključivanja šire zainteresirane javnosti, preporučuje da se Plan statističkih istraživanja za 2018. godinu učini dostupnim na web stranici i ostavi mogućnost javnosti za komentare, primjedbe i prijedloge;
4. U Modulu koji se odnosi na upravljanje NUTS klasifikacijom, u sadržaju rada nije navedeno koje se aktivnosti na ovom području planiraju poduzimati, već je samo dat EU pravni okvir, te nema ništa naznačeno kada se može očekivati izlazni rezultat „Izrada dokumenta Prijedlog nomenklature statističkih teritorijalnih jedinica za BiH (NUTS 1, 2 i 3)“. Upućuje se da ova aktivnost direktno utiče na ispunjavanje obaveze iz Sporazuma o stabilizaciji i pridruživanju, tačnije člana 71. (7) b) koji propisuje: „Bosna i Hercegovina će Evropskoj

komisiji dostaviti svoje iznose BDP-a po stanovniku uskladene na nivou NUTS 2 radi  
ocjene podobnosti regija u BiH za maksimalne intenzitete državnih potpora s ciljem izrade

Karte regionalnih državnih potpora". Postavlja pitanje, kada će biti dostupni podaci o BDP-u u  
standardima kupovne moći na nivou entiteta.

Zaključeno je da se Plan rada Agencije za statistiku BiH za 2018. godinu koriguje u skladu sa  
komentarima oko kojih su se složili članovi Vijeća, te da se isti prezentuje na sljedećoj sjednici  
kako bi Vijeće dalo konačno mišljenje.

Ad 3. Po ovoj tački dnevnog reda nije se diskutovalo jer su svi komentari iznijeti u prethodnoj  
tački.


Sjednica je završena u 14 sati i 00 minuta.

Zapisnik sastavila:  
Sekretar Vijeća za statistiku BiH

Anida Fazlić-Hadžić



Predsjedavajući Vijeća za statistiku BiH



Sahrudin Sarajčić